



Broj: 05/1-50-13-312-5/14
Sarajevo, 27. 6. 2014. godine

ZAPISNIK

1. hitne sjednice Nezavisnog odbora Parlamentarne skupštine BiH

Sjednica je održana 27.6.2014., s početkom u 10 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Mato Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH, Ljerka Bojić, rukovodioc Sektora za druga parlamentarna tijela i Dijana Šatara predstavnik OHR-a

Predsjednik Nezavisnog odbora Žiko Krunić konstatirao je da postoji kvorum za rad i otvorio 1. Hitni sjednicu Nezavisnog odbora Parlamentarne skupštine BiH

Nezavisni odbor jednoglasno je usvojio sljedeći

DNEVNI RED

1. Razmatranje Izvještaja o posjeti članova Nezavisnog odbora Glavnom uredu Granične policije BiH;
2. Uvid i upoznavanje sa pristiglom dokumentacijom-informacijom koju su, na traženje Nezavisnog odbora (Broj:05/01-50-13-312-4-6/14 od 12.6.2014.godine), dostavile nadležne sigurnosne institucije u Bosni i Hercegovini.

Ad.1. Razmatranje Izvještaja o posjeti članova Nezavisnog odbora Glavnom uredu Granične policije BiH;

Predsjednik Nezavisnog odbora u uvodu je podsjetio da su Mato Jozić, drugi zamjenik predsjednika, Adisa Begić i Miroslav Škorić, članovi Nezavisnog odbora 26.06.2014. godine posjetili Graničnu policiju BiH i održali sastanak s direktorom Zoranom Galićem i zamjenikom direktora Zijadom Srabovićem.

Mato Jozić je ukratko usmeno informirao članove Nezavisnog odbora o sastanku s rukovodstvom Granične policije BiH. Naglasio je da je sastanak održan u skladu sa dogovorom sa 4. sjednice Nezavisnog odbora i Planom rada Nezavisnog odbora za 2014. godinu kako bi se ostvario neposredan uvid u rad Granične policije

Dogovoreno je da će se pismeni izvještaj pripremiti i razmatrati na jednoj od sljedećih sjednica Nezavisnog odbora.

Članovi odbora nisu imali primjedbi i primili su k znanju usmenu informaciju o sastanku s predstavnicima Granične policije.

Ad.2. Uvid i upoznavanje sa pristiglom dokumentacijom-informacijom koju su, na traženje Nezavisnog odbora (Broj:05/01-50-13-312-4-6/14 od 12.6.2014.godine), dostavile nadležne sigurnosne institucije u Bosni i Hercegovini.

Predsjednik Nezavisnog odbora upoznao je članove Nezavisnog odbora o tome da su sedam od ukupno jedanaest institucija u BiH dostavili dokumentaciju kojom raspolažu i informaciju o postupanjima nadležnih organa **u vrijeme događanja**, a vezano za proteste od 07.02.2014. godine u Sarajevu, sve u svrhu potpunog i tačnog informisanja Nezavisnog odbora.

Dogovorno je da se na ovoj sjednici samo izvrši uvid u kompletnu dokumentaciju.

Uvidom u dokumentaciju konstatovano je da su informaciju dostavile sljedeće institucije: Tužilaštvo BiH, Odbor za unutarnju politiku Vijeća ministara, Direkcija za koordinaciju policijskih tijela BiH, Mup RS-a, Državna agencija za istrage i zaštitu, Obavještajno-sigurnosna agencija BiH, Federalno ministarstvo unutrašnjih poslova.

Također je konstatovano i koje institucije nisu dostavile dokumentaciju a to su: Ministarstvo sigurnosti BiH, MUP Kantona Sarajevo, Federalno tužilaštvo Federacije BiH i Kantonalnog Tužilaštva Kantona Sarajevo.

S tim u vezi donesen je sljedeći

ZAKLJUČAK

Nezavisni odbor će se detaljno upoznati sa pristiglom dokumentacijom koja će se umnožiti za članove Nezavisnog odbora i ista će im biti dostavljena odmah odnosno u najkraćem mogućem roku, urgirati dostavljanje dokumentacije od institucija koje to nisu učinile i na prvoj narednoj sjednici analizirati sve pristigle izvještaje i u skladu s tim analizama donijeti zaključak u okviru svojih nadležnosti.

Predsjednik Nezavisnog odbora Žiko Krunić zaključio je sjednicu u 13,00 sati.

Prilog ovom zapisniku je audio zapis sa sjednice (CD x1)

SEKRETAR
NEZAVISNOG ODBORA
Ivana Lovrić

PREDSJEDNIK
NEZAVISNOG ODBORA
Žiko Krunić